

耶荅曰有苦諦習諦所斷非一切遍相應無明使諸盡諦道諦所斷無明使一切彼不一切遍耶荅曰如是諸盡諦道諦所斷無明使彼非一切遍也頗不一切遍彼非盡諦道諦所斷無明使耶荅曰有苦諦習諦所斷不一切遍相應無明使云何不共無明使荅曰苦

不忍習盡道不忍云何不共調纏荅曰無不共調纏無漸愧跋渠第五竟十五末

阿毗曇論卷第二

皮膜下音莫完兒二惠官反瞋一計麋鹿上音臭
昌救撲蒲角反腐敗上音羸癰疽上紆恭反
徐反俗摩捫下音門調盡上徒鋸刀上音奘下音
作紐非懺下莫都懺反俱懺反妹

阿毗曇八捷度論卷第三

比三

迦旃延子造 符秦剎蜜藏僧伽提婆共竺佛念譯

雜捷度之三

色跋渠第六

色法生老無常當言色耶非色耶無色可見不可見有對無對有漏無漏有為無為過去

乙

逝

未來現在善不善無記欲界繫色界繫無色界繫學無學非學非無學見諦所斷思惟所斷法無斷法生老無常當言見諦所斷當言思惟所斷當言無斷耶云何老云何死云何無常諸死彼無常耶設無常彼死耶行力強無常力強又世尊言此三有為有為相與衰住若干彼一心中云何興云何衰云何住若干此章義願廣演說

色法生老無常當言色耶當言非色耶荅曰當言非色無色當言即無色可見當言不可見不可見當言即不可見有對當言無對無對當言即無對有漏當言即有漏無漏當言

即無漏有爲當言即有爲過去當言即過去
未來當言即未來現在當言即現在善當言
即善不善當言即不善無記當言即無記欲
界繫當言即欲界繫色界繫當言即色界繫
無色界繫當言即無色界繫是學當言即是
學不學當言即不學非學非無學當言即非
學非無學見諦所斷當言即見諦所斷思惟
所斷當言即思惟所斷非斷法生老無常當
言見諦所斷當言即思惟所斷當言非斷耶
答曰當言即無斷云何老云何死云何無常
云何老答曰行衰退根熟壞身色變得老毀
是謂老云何死答曰彼衆生生彼彼衆生處
若命終當命終退不現喪歿壽失捨陰命根
閉此謂死云何無常答曰諸行散退沒此謂
無常諸死即無常乎答曰如是諸死彼無常
頗有無常彼非死耶答曰有除死諸餘行無
常行力強無常力強答曰行力強非無常行
者過去未來現在行滅無常者現在行散或

作是說無常力強非行行亦無常如我義行
力強非無常行者過去未來現在行滅無常
者現在行散也又世尊言此三有爲有爲相
興衰住若干彼一心云何興云何衰云何住
若干答曰興者生衰者無常住者若干老也
色跋渠第六竟梵
本四十七首盧

無義跋渠第七

又世尊言

知無義俱 諸空持戒 彼不得義 如出時沒
以何等故與無義俱諸空持戒世尊說苦又
世尊言彼正身坐繫念在前彼云何繫念在
前又世尊言目捷連鞮舍梵天不說第六人
行無相三得道云何第六人行無相又世尊言
此聞法已時地神舉聲放聲如來轉法輪於
波羅柰鹿花園中若沙門婆羅門若天魔梵
天若世間未曾轉法輪地神有此智知如來
轉法輪不又世尊言彼比丘漏盡阿羅漢三
十三天集坐善法講堂數數雲集行彼某名

尊者彼某名尊者弟子於某村某聚落出家
 信家非家剃除鬚髮著袈裟衣作道人盡有
 漏成無漏心解脫慧解脫於現法自知行作
 證生已盡梵行已成所作已辦名色已有知
 如真三十三天有此智知比丘漏盡不又世
 尊言彼諸化法教化示諸向法次法此八万

四千摩竭大臣三結已盡得須陀洹不墮惡
 趣法定正道至七有往來七生天人盡苦際
 彼云何化法教化云何向法次法云何多欲
 云何無厭多欲無厭有何差別云何少欲云
 何知足少欲知足有何差別云何難滿云何
 難養云何易滿云何易養三此章義願具演說三

又世尊言
 知無義俱 諸空持戒 彼不得義 如出時沒
 以何等故與無義俱諸空持戒世尊說苦答
 曰此是死道共死死相不能如是苦離死以
 是故與無義俱諸空持戒世尊說苦又世尊
 言彼正身坐繫念在前彼云何繫念答曰彼

近明善方便正念骨想青想骨鎖想胖脹想
 食不淨想燒焦想骨節異處想又世尊言目
 捷連鞮舍梵天不說第六人行無相云何第
 六人行無相答曰堅信堅法於此義現第六
 無相人彼無相不可數不可施設若此住若
 彼住不可數若苦法忍若苦法智若苦未知
 忍若苦未知智若習法忍若習法智若習未
 知忍若習未知智若盡法忍若盡法智若盡
 未知忍若盡未知智若道法忍若道法智若
 道未知忍若道未知智如是無相不可數不
 可施設若此住若彼住以是故堅信堅法於
 此義現第六無相人又世尊言此聞法已時
 地神舉聲放聲世尊轉法輪於波羅奈仙人
 鹿苑園中若沙門婆羅門若天魔梵若世間
 未曾轉地神有此智知世尊轉法輪不耶答
 曰不也
 云何知答曰世尊起世俗心我轉法輪名某
 比丘見法此彼知亦告他我轉法輪名某比

丘見法此彼聞彼尊者亦起世俗心世尊轉法輪我已見法此彼知亦告他佛轉法輪我已見法此彼聞彼或從大尊天聞又世尊言彼比丘漏盡阿羅漢三十三天集坐善法講堂數數雲集行彼某名尊者彼某名尊者弟子於某村某聚落出家信家非家剃除鬚髮

著袈裟衣作道人盡有漏成無漏心解脫慧解脫於現法自知行作證生已盡梵行已成就所作已辦名色已有知如真是三十三天有此智知比丘漏盡不答曰不知云何知答曰世尊起世俗心名某比丘漏盡得阿羅漢此彼知亦告他名某比丘漏盡得阿羅漢此

彼聞彼尊者亦起世俗心我漏盡得阿羅漢此彼知亦告他我漏盡得阿羅漢此彼聞彼或從大尊天聞又世尊言彼諸化法教化亦諸向法次法此八萬四千摩竭大臣三結已盡得須陀洹不墮惡趣法定正道至七有往來七生人天盡

苦際彼云何化法教化云何向法次法云何化法教化答曰諸摩竭大臣已生天見法此謂化法教化云何向法次法答曰諸摩竭大臣本為人時見法此謂向法次法云何多欲云何無欲多欲云何答曰未得色聲香味細滑衣食牀卧病瘦醫藥具諸欲已欲當欲此

謂多欲無欲云何答曰已得色聲香味細滑衣食牀卧病瘦醫藥具不喜不善喜亦不喜他不厭不善厭亦不厭他此謂無欲多欲無欲有何差別答曰未得色聲香味細滑衣食牀卧病瘦醫藥具若索求索強索巧方便緣已得色聲香味細滑衣食牀卧病瘦醫藥具

復方便復欲復願復念少不喜少不善喜得他少不喜多欲無欲此謂差別云何少欲云何厭少欲云何答曰未得色聲香味細滑衣食牀卧病瘦醫藥具諸非欲非已欲非當欲此謂少欲厭云何答曰已得色聲香味細滑衣食牀卧病瘦醫藥具諸善喜善喜亦善喜他

獸善獸善獸他此謂獸少欲獸有何差別答
 曰未得色聲香味細滑衣食牀卧病瘦醫藥
 具若不索不求索不強索不巧方便緣方便
 已得色聲香味細滑衣食牀卧病瘦醫藥具
 不復方便不復作欲不復作願不復作念念
 少喜少善喜得他喜少欲獸此謂差別云何

難滿云何難養難滿云何答曰欲多食欲多
 噉此謂難滿云何難養答曰貪饕常希望食
 此謂難養云何易滿云何易養易滿云何答
 曰諸不大食不大噉不希望食此謂易滿云
 何易養答曰不貪饕常不希望食此謂易養
 無義跋耒第七竟
 梵本九十七首虛

思跋渠第八

云何為思云何為想想有何差別云何為
 覺云何為觀覺觀有何差別云何為掉云何
 心乱掉心亂有何差別云何無明云何不順
 智云何為慢云何為憍慢憍有何差別若生
 增上慢我見苦是苦此增上慢何緣若生增

上慢我見習是習見盡是盡見道是道此增
 上慢何緣若生增上慢我生已盡梵行已成
 所作已辦名色已有知如真此增上慢何緣
 云何不勝生慢上慢作慢云何覺欲自害云
 何害他云何俱害云何覺恚自害云何害他
 云何俱害云何覺殺自害云何害他云何俱

害知為多智為多智為多識為多有漏行多
 無漏行多有為行多無為行多云何行事成
 云何除事成云何凡夫性凡夫事當言善耶
 不善耶無記耶當言欲界繫耶當言色無色
 界繫耶見諦所斷耶思惟所斷耶凡夫性各
 何等法諸法邪見相應彼邪志耶設邪志彼
 邪見耶所有諸法邪見相應彼邪方便邪念
 邪定耶設邪定彼邪見耶諸法乃至邪念相
 應彼邪定耶設邪定彼邪念耶此章義願具
 演說
 云何為思云何為想想云何為思答曰諸思等
 思增思心行意作是謂思云何為想想答曰諸
 思

此

六

想等想緣想稱觀此謂想思想何差別答曰
思者行想者慧思想此為差別云何為覺云
何為觀云何為覺答曰諸心覺稍稍覺按次
分別稍稍分別是謂覺云何觀答曰諸擇一
一擇順擇順迴察次順往界是謂觀覺觀有
何差別鹿心為覺細心為觀覺觀是謂差別

云何為掉云何心乱云何為掉答曰心不息
不休掉心熾盛是謂掉云何心乱答曰心散
心亂心妄心動不一心是謂心亂掉心乱何
差別答曰不息相掉不一心相心亂是謂差
別云何無明云何不順智無明云何答曰三
界無知也云何不順智答曰無巧便慧也如
是無巧便慧不順智耶答曰如是頗作是語
諸順智言妄語彼一切失意不順智順智言
妄語耶答曰如是頗作是語順智無妄語耶
答曰不也聽我所說諸順智言妄語彼一切
失意不順智順智言妄語彼作是語順智無
妄語答曰雖作是語此事不然不應作是語

順智無妄語但諸順智言妄語彼一切失意
不順智順智言妄語不應作是語諸順智言
妄語彼一切失意不順智順智言妄語此事
不然頗作是說一切無明不順智相應諸順
智言妄語彼一切無明往無明愚無明所纏
失意不順智順智言妄語耶答曰如是頗作

比三

七

是說順智無妄語耶答曰不也聽我所說若
一切無明不順智相應諸順智言妄語彼一
切無明往無明愚無明所纏失意不順智順
智言妄語彼如是說順智無妄語耶答曰雖
有是語此事不然不應作是說順智無妄語
但一切無明不順智相應諸順智言妄語彼
一切無明往無明愚無明所纏失意不順智
順智言妄語不應作是語一切無明不順智
相應諸順智言妄語彼一切無明往無明愚
無明所纏失意不順智順智言妄語此事不
然云何慢云何憍慢云何答曰於卑謂妙謂
勝於妙相似此從起慢作慢心熾盛是謂慢

憍云何答曰我生勝姓色族伎術業富端正
 從此起憍作憍一一憍一一作憍是謂憍慢
 憍何差別答曰於他緣勝心熾盛是謂慢相
 自於法中心有染污是謂憍相慢憍是謂差
 別若生增上慢我見苦是苦此增上慢何緣
 答曰如一與善知識相得從其聽法內思惟

得順苦忍彼苦是苦忍欲意喜如是彼思惟
 忍相應思惟不妄時於其中間見疑不行設
 有行者亦復不覺不得忍不覺便作是念我
 見苦是苦此從起慢是謂增上慢此增上慢
 何緣答曰即彼苦緣習亦如是若生增上慢
 我見盡是盡此增上慢何緣答曰如一與善

知識相得從其聞法內思惟得順盡忍彼盡
 是盡忍欲意喜如是彼思惟忍相應思惟不
 妄時於其中間見疑不行設有行者亦復不
 覺便作是念我見盡是盡從此起慢是謂增
 上慢此增上慢何緣答曰即彼盡緣道亦如
 是若生增上慢我生已盡此增上慢何緣答

曰如一便作是念此道此跡我依此道依此
 跡已知苦已斷習已盡作證已思惟道我生
 已盡從此起慢是謂增上慢此增上慢何緣
 答曰即彼生緣若生增上慢我梵行已成就
 此增上慢何緣答曰如一便作是念此道此
 跡我依此道依此跡已知苦已斷習已盡作

證已思惟道我梵行已成此從起慢是謂增
 上慢此增上慢何緣答曰即彼心心所念法
 緣若生增上慢我所作已辦此增上慢何緣
 答曰如一便作是念此道此跡我依此道依
 此跡我已知苦已斷習已盡作證已思惟道
 我已斷便已害結已吐結我所作已辦此從

起慢是謂增上慢此增上慢何緣答曰即彼
 心心所念法緣若生增上慢我名色已有知
 如真此增上慢何緣答曰如一便作是念此
 道此跡我依此道依此跡我已知苦不復當
 知已斷習不復當斷已盡作證不復當作證
 已思惟道不復當思惟我名色已有知如真

此從起慢是謂增上慢此增上慢何緣答曰
即彼心心所念法緣云何於卑起慢答曰此
一見他勝我若生若姓若色若族伎術行業
若富若戒見已便作是念此少勝我生姓色
族伎術行業富戒此彼非十倍二十倍非百
倍不如是謂於卑起慢云何覺欲而自害云

何害彼云何俱害云何自害答曰如婬欲所
纏身生熱心熱身燒心燒亦復婬欲所纏長
夜不忍不更不愛受報如是自害云何害他
答曰如婬欲所纏希望他妻若見彼夫便起
瞋恚如是害他云何俱害答曰如婬欲所纏
竊盜他妻若彼夫見捉其妻執其人搥打縛

比三

九

殺如是俱害云何覺恚自害云何害他云何
俱害云何自害答曰如瞋恚所纏身生熱心
熱身燒心燒亦復瞋恚所纏長夜不忍不更
不愛受報如是自害云何害他答曰如瞋恚
所纏打他若手若杖若石若刀如是害他云
何俱害答曰如瞋恚所纏打他若手若杖若

石若刀為彼所打若手若杖若石若刀如是
俱害云何覺殺自害云何害他云何俱害答
曰如殺心所纏身生熱心熱身燒心燒亦復
殺所纏長夜不忍不更不愛受報如是自害
云何害他答曰如害所纏斷他命如是害他
云何俱害答曰如害所纏斷他命他亦報此

斷命如是俱害知多耶智多耶答曰知多非
智多彼智者知也智多耶識多耶答曰識多
非智多一切智識所攝識非智所攝不攝何
等答曰忍相應識有漏行多無漏行多答曰
有漏行多非無漏行有漏行十入二入少有
所入無漏行二入少有所入有為多無為多
答曰有為多非無為有為十一入一入少有
所入無為一入少有所入云何行事成云何
除事成云何凡夫性行事成云何答曰無學
身護口護命清淨是謂行事成云何除事成
答曰無學根護是謂除事成云何凡夫性答
曰聖法若不得已不得當不得復次諸聖暖

聖忍聖見聖味聖慧若不得已不得當不得是謂凡夫性凡夫性當言善耶當言不善耶當言無記耶答曰凡夫性當言無記不當言善不當言不善也以何等故凡夫性不當言善答曰方便求善法已得善法不求方便我作凡夫也已斷善根永滅善法不得成就善

法設凡夫性是善者彼斷善根彼非凡夫以是故凡夫性不得言善以何等故凡夫性不當言不善答曰得欲愛盡不善根永盡不成就不善法設凡夫性不善者彼凡夫欲愛盡彼非凡夫耶以是故凡夫性不當言不善也凡夫性當言欲界繫當言色無色界繫答

曰凡夫性或欲界繫或色無色界繫以何等故凡夫性不定言欲界繫答曰欲界沒生無色界永滅欲界繫法得不成就欲界繫法若凡夫性定欲界繫者彼諸凡夫生無色界者彼非凡夫耶以是故凡夫性不當言定欲界繫以何等故凡夫性不當言定色界繫答曰

色界沒生無色界永滅色界繫法不得成就色界繫法若凡夫性定色界繫彼諸凡夫無色界生彼非凡夫耶以是故凡夫性不當言定色界繫以何等故凡夫性不當言定無色界繫答曰等越次取證先從欲界於苦思若後色無色界同聖道已生先辦欲界事後色

無色界同若等越次取證先從無色界於苦思苦後欲界色界同聖道已生先辦無色界事後欲界色界同如是凡夫性定無色界繫但等越次取證先從欲界於苦思苦後色無色界同聖道已生先辦欲界事後色無色界同以是故凡夫性不當言定無色界繫凡夫

性當言見諦斷當言思惟所斷答曰凡夫性當言思惟斷不當言見諦斷以何等故凡夫性思惟斷非見諦斷答曰見諦所斷法永染汚凡夫性不染汚此云何世間第一法在前速滅苦法忍現在前速生如此世間第一法滅苦法忍生於其中間三界凡夫性得不成

卅

卅

就非餘見諦所斷法永滅凡夫性名何等法
答曰三界無染污心不相應行諸法邪見相
應彼邪志耶答曰或邪見非邪志云何邪見
非邪志答曰邪見相應邪志諸餘邪志不相
應邪見相應法是謂邪見非邪志云何邪志
非邪見答曰邪志相應邪見諸餘邪見不相
應邪志相應法是謂邪志非邪見云何邪見
邪志答曰除邪見相應邪志諸餘邪見邪志
相應法是謂邪見邪志云何非邪見非邪志
答曰邪見不相應邪志邪志不相應邪見諸
餘心心所念法色無為心不相應行是謂非
邪見非邪志諸法邪見相應彼邪方便耶答
曰或有邪見非邪方便云何邪見非邪方便
答曰邪見相應邪方便是謂邪見非邪方便
云何邪方便非邪見答曰邪見諸餘邪見不
相應邪方便相應法是謂邪方便非邪見云
何邪見邪方便答曰除邪方便諸餘邪見相
應法是謂邪見邪方便云何非邪見非邪方

便答曰邪見不相應邪方便諸餘心心所念
法色無為心不相應行是謂非邪見非邪方
便邪念邪定亦復如是諸法邪志相應彼邪
方便耶答曰或邪志非邪方便云何邪志非
邪方便答曰邪志相應邪方便是謂邪志非
邪方便云何邪方便非邪志答曰邪志諸餘
邪志不相應邪方便相應法是謂邪方便非
邪志云何邪志邪方便答曰除邪方便諸餘
邪志相應法是謂邪志邪方便也云何非邪
志非邪方便答曰邪志不相應邪方便諸餘
心心所念法色無為心不相應行是謂非邪
志非邪方便邪念邪定亦如是諸法邪方便
相應彼邪念耶答曰或邪方便非邪念云何
邪方便非邪念答曰邪念是謂邪方便非邪
念云何邪念非邪方便答曰邪方便是謂邪
念非邪方便云何邪方便邪念答曰除邪念
去不與所念相應也諸餘邪方便相應法是
謂邪方便邪念云何非邪方便非邪念答曰

些

十二末

諸餘心心所念法色無為心不相應行是謂
 非邪方便非邪念邪定亦如是諸法邪念相
 應彼邪定耶答曰或邪念非邪定云何邪念
 非邪定答曰邪定是謂邪念非邪定云何邪
 定非邪念答曰邪念是謂邪定非邪念詞非
 云何邪念邪定答曰除邪定諸餘邪念相應

法是謂邪念邪定云何非邪念非邪定答曰
 諸餘心心所念法色無為心不相應行是謂
 非邪念非邪定思跋渠第八竟梵本三百
 二十六首盧長十八字

阿毗曇論卷第三雜捷度之三
 鞞舍上音 低音鎖蘇果脰脰上音 脰脰作脰脰下知向反

會餐下土 合作發刀反正掉從 弔更軟搗打上竹

阿毗曇八捷度論卷第四 比四

聖旃延子造 待秦崩質藏僧伽提婆共竺佛念譯

阿毗曇結捷度第二 之一 不善一行

阿毗曇結捷度不善跋渠初此盡 十二品

不善有報 見亦見苦若見有覺 如相應根

欲界獲得 斷亦五人 身見如是 一切遍後報

三結三不善根三有漏四流四輓四受四縛

五蓋五結五下分結五見六身受七使九結

九十八使此三結幾不善幾無記此乃至九

十八使幾不善幾無記此三結幾有報幾無

報此乃至九十八使幾有報幾無報此三結

幾見諦斷幾思惟斷此乃至九十八使幾見

諦斷幾思惟斷此三結幾見苦諦斷幾見習

盡道諦斷幾思惟斷此乃至九十八使幾見

苦諦斷幾見習盡道諦斷幾思惟斷此三結

幾見幾不見此乃至九十八使幾見幾不見

此三結幾有覺有觀幾無覺有觀幾無覺無

觀此乃至九十八使幾有覺有觀幾無覺有